





賦海補遺卷之二

沛國子威劉鳳

四明緯真屠隆同輯

嘉禾逸之周履靖

金陵書林葉如春繡梓

時令部

春

探春

春曉

春遊

春可樂

春盤

春晝

薄暮



春夜 傷春 送春 夏

述夏 夏夜 暑 苦熱

逃暑 秋 臨秋 四時秋

秋夜 秋興 秋懷 秋思

秋聲 秋夕哀 悲秋 冬

冬夜 寒夜 大寒 苦寒

歲暮 冬暖如春

春賦 周履靖

斗柄東指天子瞻旂蒼璧而佩土牛而司飲八

方之露水望三素之雲飛遵路以狗鐸奉職而

陳詩景物齊榮春晝獨遲流鶯恰恰疎梅垂垂

杲日初麗融風乍吹紅桃敷錦綠楊颺絲如丹

之杏似雪之梨薔薇燦爛海棠歲蕤狂蜂竟戲

浪蝶交飛簧調及舌曲囀画眉蟄舒黃壤魚躍

碧漪命樂而習舞敷獄而决辭老氏熙而登臺

孔門樂而風雪王睢鼓翼而鳴戴勝降葉而栖



氣漸東陸之令候屬青陽之期啖以蓬餌飲以  
漿糜酌獸樽而奏事進椒花而捧卮五辛味而  
嘗洽五木湯而浴宜漢祖治榆而成箸陳平分  
肉而均施暮春之期脩禊蘭亭之畔歡追於是  
寒食佳節林屋無烟閉雞蹴踘長袖鞦韆桐華  
始秀柳火將燃古有司烜之閉俗有介推之言  
故周舉之書已布而魏武之命方傳過平陽之  
第內臨薄洛之津前蕙肴而輕泛於觴犢車而

見尋於川春更歲序泚氣澄鮮

探春賦

周履靖

乘車而出東城跨馬而遊南陌觀春水之泛流  
探寒梅之消息滿目烟光遍野草色堤楊有眼  
苑桃無跡蜂翻翅遲鶯啼聲澁雪猶凝岬冰還  
在澤載酒歡追邀賓醉適

春曉賦

周履靖

銀缸纔黯而煤欲燼碧落初明而月未收一天



賦海補遺 卷之二  
殘星而墜半枕疎鐘而悠月影暗浮於簾幙外  
露華香浥於杏枝頭春霽喜聞啼鳥曉寒堪擁  
敝裘海邊朝暎半浴於水檻外殘星斜映於樓  
遍野而舒繁卉凭闌而豁雙眸

春遊賦

周履靖

長安曲江桃餞武后上苑催花擲金錢而嬉戲  
載油幕而豪奢穿林兮馬蹄疾出郭兮人爭譁  
桃兮杏兮織錦花兮萼兮絢霞樹雜沓兮爲圓

枝裊娜而垂葩春色兮恍如錦繡鳥音兮猶勝  
琵琶一腔吟思滿目桑麻竹風而輕履鳥薇露  
而浥衣紗席草作茵而坐假雲爲幄而遮水引  
遊情而蕩梨疑醉眼而賒拾翠而臨繡陌踏青  
而駕香車士女爭看走馬兒童戲打棧鴉暖日  
今平堤牧笛輕風兮江上漁艇金貂兮堪換酒  
村店兮青帘斜醉卧花間未起明月而遍空堦

春可樂賦

晉夏侯湛



春可樂今樂東作之良時嘉新田之啓萊悅中  
疇之發蓄桑冉冉以奮條麥穗穗以揚秀澤苗  
鬻渚原卉耀阜春可樂今樂崇陸之可娛登夷  
岡以迴眺超矯駕乎山嶠綴雜華以爲蓋集繁  
蕤以飾裳散風衣之馥氣納戢懷之潛芳鸚交  
交以美音羣翺翺以輕翔招君子以偕樂携淑  
人以微行

余當暮年興猶未減值芳景之歲蕤觀

名花之爛熳偶檢夏候湛春可樂賦  
恍然寓目不覺心怡遂倚韻成之

春可樂今樂東郊之芳時觀桃杏之爛熳欣田  
野之耘菑草萋萋而匝徑柳依依而垂秀柔桑  
茂圃小麥盈阜春可樂今樂麗景而肆娛涉迴  
溪以遠眺扶竹杖於幽嶠摘露葵而作饅恠荆  
棘以牽裳襲名卉之飄香翫郊甸之舒芳蝶栩  
栩而翩翩鳥飛飛而翱翔豈暮年而言倦喜逐



年少之行

周履靖次韻

春盤賦

周履靖

尋芳春之酒徒假樽孟而取興絳桃爛於柔枝  
綠柳垂於曲徑蝶穿花而可翫鳥啖聲而堪聽  
拉騷壇之逸客集幽志之英俊追上巳之遨遊  
占韶光之獨勝於是薦山殺於冰盤傾村釀於  
瓦竽坐嘉樹之陰清歌白雪之調雅暢今日之  
情深知此樂之世寡晒碌碌之庸流事紛紛而

無暇拚沉醉於東郊寧惜步於月下

春晝賦

周履靖

習習和風簷外融融春色墻東香車晴陌而輕  
塵動歌女綵樓而情思濃黃蜂兩兩而穿珠箔  
紫燕雙雙而入房櫳一爐斜篆而裊朱棟百尺  
遊絲而繞碧空喬榦鶯聲恰恰疎簾花影重重  
枰列棊几彈棋賭勝硃調玉露讀易研窮煮茗  
燃爐而消渴思陶情把盞而憩孤松短藜客至



而吟花塢陽春一曲而鼓焦桐

薄暮賦

周履靖

飛霞而散遙漢殘照而映短屏歸舟而艤野渡  
倦鳥而投長林雨晴潮沒汀洲而昏日落烟迷  
草樹而橫帆疾今而隨波盪雲開今而讓月行  
遠寺僧還小徑澄江漁出孤舫千里暮山塗紫  
翠一輪寶鑑破黃昏珠星如丸而掛銀河似掌  
而平牧歸牛背而吹短笛客倚松窓而發長吟

春夜賦

周履靖

柳邊而風回悄悄花上而露浥盈盈朱闌映踈  
梅之影綠牖凝碧梧之陰憑欄今而香霧細細  
隔窓今而月魄明明羌管曲殘而客已醉鞦韆  
索潤而斗將橫玉漏數聲三鼓春宵一刻千金  
寶鴨而薰冷簾湘簾而蕩寒燈欹枕欲成蝴蝶  
之夢展身忽聽杜鵑而鳴

傷春賦

周履靖



非無杯而泛綠安得鬢而留青三月光陰而半  
流水百年身世而一浮萍心事頓隨花片而薄  
容懷不趣酒痕而新蕉葉而捲舒露鳩聲而問  
荅春入簾而槐蔭重落地而燕泥輕鳥歸而動  
枝影魚躍而翻浪紋惜葩而畏夜雨病酒而怨  
林鶯泉鳴茶鼎而宿醒醒子落棋盤而午夢驚  
世態而閒雲變春愁而細草生閨門傷心而偷  
彈玉淚園林花老而暗惜飄零

送春賦

周履靖

九十春光已盡萬千心事誰知淑景暗隨流水  
奇葩狼藉皆非趣日而流鶯滑語隨風而柳絮  
低飛人驚老去而鬢添雪興逐情遠而心半灰  
無限淒迷天涯之路一番雨足農人之犁綠陰  
濃今青皇已去芳草愁今王孫不歸動作經年  
之別且追此日之嬉留連南陌惆悵斷送東郊  
傷悲美酒而酬抑鬱新詩而贈別離祖帳無言



今而情幾種雲程難駐今酒三杯

夏賦

周履靖

時屬長羸節屆朱明祝融司令炎帝秉衡諸侯  
迎氣於郊公卿祀地於靈含桃薦於寢廟反舌  
瘳而無聲知三皇之在戶著五彩而辟兵蟋蟀  
潛形於壁莎鷄振羽於庭苦菜茂而靡草稿蚯  
蚓出而螻蛄鳴王丞相彈棊而腹慰謝太傅交  
扇而汗傾向平避清涼之境吳猛恐蚊蚋之侵

叔夜鍛竈於高柳武子囊螢於深更鑿棗杏而  
取火執劔戟而演軍喜長風而祛暑欣茂樹而  
聯陰輕箑薦而織絺御甘瓜浮而朱李沉仙翁  
每乘醉而入水高士豈披裘而拾金腐草化螢  
於野繁薜延蔓於開柞氏而刻陽木獻之而書  
練裙恢台化育而祭清和首夏之名山虞而斬  
陰木凌人而進寒冰嚙文沼之藕而爽聽秋霜  
之曲而清仲都曝日而不熱平叔流汗而不淋



群獸毛革而改萬物華實而成明義之井堪浴  
樊山之涼可臨傲義皇於北牖鼓虞調於南薰  
制角黍而應時繫綵絲而通情煨蟾蜍足而水  
流剪鵲鶴舌而言賡並跌芳草而戲鬪競渡彩  
鷁而迅征摘幽蘭而爲沐束蘆艾而爲人榴花  
爛熳而燒漢葵萼芳菲而繞亭芭蕉而敷綠綺  
函萼而舒絳英茉莉芳馨而似麝夜合素艷而  
如瓊楊梅玉盎而貯櫻桃銀盤而盛梅實青枝

而掛丸枇杷翠榦而懸金宴開河朔而避暑水  
賜鄴下之大臣嵇含畏熱而思風程曉謝客而  
閉門獻麥瓜於宗祀作湯餅而鍋烹

述夏賦

晉傅玄

四月惟夏運臻正陽和氣穆而扇物麥含露而  
飛芒清徵泛於琴瑟朱鳥感於炎荒鹿解角於  
中野草木蔚其條長

條風披拂忽焉夏矣嘆時光之迅速且



美草木之暢達是為之述夏賦

時值朱明乍別青陽好雨以滋桑榦烈日而烘  
麥芒炎風吹於曠野火雲布於大荒隴上秧針  
刺短堤邊柳線垂長

周履靖次韻

夏夜賦

周履靖

片雲停而有影萬籟發而多聲亭榭漏短池臺  
月明蟬琴綠樹蚊市黃昏坦襟古砌散髮空庭  
欲啓齒而嚙白雪慕赤脚而躡履冰避暑孤坐

納涼清吟露沁輕衣而重螢藏暗草而熒罷扇  
今而竹風拂移牀今而斗柄橫

暑賦

魏繁欽

暑景方徂時惟六月大火飄光炎氣酷烈翕翕  
盛熱蒸我層軒溫風溷沁動靜增煩雖託陰宮  
罔所避旃粉扇靡效宴戲歉歡庶望秋節慰我  
愁歎

火雲繚繞惟熾暑月酷日當空炎蒸暴烈坦襟



北牖散髮南軒神昏目黯思燥心煩冰山徒列  
胡能免旃團扇無功情悰奚歡牛女欲聚此景

何歎 周履靖次韻

苦熱賦

周履靖

梁元帝曰爍石蜀後主曰流金王轂而鞭火龍  
季龍而賜井冰登岐路而若炙坐山館而如蒸  
竹影兮寒生硯蟬聲兮晝閉門枕涼而秋入夢  
樹密而翠交陰於是布漢火雲千仞而赫沾衣

雨汗萬珠而融石竇碧泉而空有想冰壺統扇  
而惜無功恨無輕翮飛出氛垓之外苦有洪爐  
蒸炊釜甑之中何當簞瓢巷內夏日安得洞庭  
湖裏秋風

逃暑賦

周履靖

披衿松徑散髮竹林脫巾而揮羽扇露頂而坐  
槐陰樹雲而來晚色荷雨而試秋聲劉松河朔  
之宴袁紹三伏之樽逃一日之暑傳千載之名



浮青瓜於澗泉沉朱李於寒冰吸碧筒酒而取  
興拂紫龍髯而毆蚊榦古而蟬逾噪山幽而鳥  
更鳴激流今而神思爽倚竹兮而醉鬼清

秋賦

周履靖

時臨白帝群卉凋零炎威頓減涼颼乍生清商  
初集赤鴈遐征袁公對月而哦張翰思蓴而行  
風蟬噪而蕭瑟玉露凝而淒清蟋蟀鳴於古砌  
寒蛩響於空庭芙蓉敷艷桂蕊飄芬綠荷離披

於北沼紅蓼參橫於南濱蘆花颺白木葉飛黃  
風摧晚蘭之萼露滋籬菊之英清霜降而鷹隼  
擊灑氣肅而稼穡成高颼方勁之節踈砧戒寒  
之辰勅部屬而斷獄命將帥而練軍望斗杓而  
西指盼大火而流行柘槐之木而植檣柞之火  
而焚駕輶軒而訪俗命司馬而圍兵奠獸豺而  
爲顯祭鳥雀而爲靈媿好悵琉璃之筆阮咸標  
擯鼻之視宮人層城觀而嬉戲綵女開襟縷而



穿針王母青鳥集殿之報竇后神光照室之徵  
百子池而可翫五龍駕而堪登採茱萸而插鬢  
對菊花而泛觥落帽孟嘉之狂繫囊長房之神  
倚皓月樓而遣興遊高飈館而暢情謝瞻援筆  
而詠靈運登臺而吟齊王講武而馬射晉帝明  
道而執經叙三秋之雅興暢一已之幽襟

臨秋賦

梁元帝

火歇今秋氣生風起今秋潦清覽時興而自得

聊飛轡而娛情遵二條之廣路背九仞之高城  
爾乃登長坂息余驥攬筆舒情沉吟屬思草色  
雜而香同樹影齊而花異遙峰迢遞縈沙斷絕  
雲出山而相似水含天而難別

暑退今涼飈生氣肅今景色清值素商而愁臆  
盼白雲而陶情盤桓三徑之菊嬾躡十里之城  
爾乃涉平杠跨良驥覩漢增懷嘯歌遣思楓脫  
葉而榦殊蟬噪枝而音異寒霜無涯鴈聲不絕



蘭花吐英而放燕子辭巢而別

周履靖次韻

四時秋賦

載稊文

梁江淹

若夫秋風一至白露溥溥明月生波熒光迓寒  
眷庭中之梧桐念機上之羅紈

若乃金飈瑟瑟月白露溥瑤穹肅氣玉吹生寒  
砧杵而搗素練寶匣而藏齊紈

周履靖次韻

秋夜賦

周履靖

星疎河朗月白氣清金風生而颯颯玉露下而

零零長江今漁唱遠塞今鴈聲香焚於鼎蛩響  
於庭銀燈獨照砧杵誰鳴依檻而坐凭几而吟  
玉繩低兮短歌按画角駐兮長笛聲蝶夢纔覺  
詩魔方醒清夜悠悠物我忘形

秋興賦

梁元帝

秋何興而不盡興何秋而不傷傷二情之本背  
更同來而匪方復有登山望別臨水送歸洞庭  
之葉初下塞外之草全衰攸征人與行子必承



臉而沾衣紛吾閑居有怡優遊多暇乃息書幌  
之勞以命北園之駕爾乃從玩曲池遷坐林間  
淹留而蔭丹岫徘徊而奉木蘭為興未已升彼  
懸崖臨風長想憑高俯窺察遊魚之息澗憐驚  
禽之換枝聽夜籤之響殿聞懸魚之扣扉將據  
梧於芳杜欲留連而不歸

人多景變情生見搖落而興悲惟寫悽  
慘蕭涼之態余以清秋雅淡堪助騷

壇吟咏故作秋興賦昔梁元帝亦常  
賦此遂檢而和焉

惟素景而多興誰云秋而感傷經商灝而神暢  
樂幽致而有方倏爾溽暑乍退微涼初歸丹桂  
之英漸吐碧礪之草未衰銀蟾掩映珠箔金飈  
披拂羅衣亦助幽人情思乘此閒暇解脫塵囂  
之羈漫稅長林之駕爾乃看鴻漢外玩菊籬間  
婆娑而泛醪醪優游而紉蕙蘭行歌翫賞愜陟



賦海補遺 卷之二  
高崖從容散步送目斜窺喜野雲之出岫欣山  
鳥之啼枝候殘陽之度嶺待皓月之射扉始扶  
杖而尋路任徜徉而晚歸

周履靖次韻

秋懷賦

宋伏系之

於是景宇蕭澄風高木歛淒氣夕衰零露晨湛  
澤收潤而草枯葉驟墜而庭掩鴈偕來以希陽  
燕遊逝而投險豈微物之足懷傷頽齡之漸  
頃爾萬木蕭疎霄澄氣斂玉兔娟娟湖波湛湛

告漸

白雲飛兮景蕭丹楓飄兮苔掩燕北歸以辭巢  
鴈南來而度險悲秋光之易邁感微軀之衰漸

周履靖次韻

秋思賦

魏曹植

四節更王兮愁氣悲遙思愴悅兮若有遺原野  
蕭條兮烟無依雲高氣靜兮露凝殘野草變色  
今莖葉稀鳴蜩抱木兮鴈南飛歸室解裳兮步  
庭前月光照懷兮星依天居一世兮芳景遷松



見海補遺 卷之二  
喬難慕今誰能仙長壽命也今獨何愆

商飈忽換草木零落撫時寫景未免有

蕭條悽楚之狀況時序之變遷係人

事之消長子建之秋思亦家玉悲秋

之流亞歟

大火西流兮景色悲林杪蕭蕭兮木葉遺商飈  
忽換兮卉難依清露滾滾兮皓如璣一望郊甸  
今芳草稀蟬聲嘒嘒兮鴻鴈飛愛此明月兮步

壻前遙思美人兮隔一天序忽更兮物易遷慕

張博望今已得仙堪嗟我生今誰我愆

周履靖次韻

秋聲賦

周履靖

凄風而穿淨牖斜日而墜疎林頽簷看織璫蛸  
之網虛室酬和蟋蟀之吟一輪印波之色四野  
搗衣之聲庭畔梧桐而流亂影簾前鐵馬而動  
清音遙天淫雨而連溪岬殘夜寒潮而激海門  
浩浩三江而渺蕭蕭萬籟而鳴嘒嘒輕蟬老榦



紛紛敗葉荒村何處清砧而切誰家短笛而橫  
片雲縹緲而停霄漢群鴻嘹唳而下沙汀燕山  
嶺上丹楓而舞楚塞城邊白露而零狂飈而掀  
貧士之屋愁思而攪旅客之心閨婦停機而聽  
征夫駐馬而聞醉餘玉漏而促夢徹曉鐘而驚

秋夕哀賦

晉夏侯湛

秋夕兮遙長衷心今永傷結帷今中宇寢履今  
閑房聽蟋蟀之潛鳴覩遊鴈之雲翔尋修廡之

飛檐覽明月之流光木蕭蕭以被風階縞縞以  
受霜玉機今環轉四運今驟遷銜恤今迄今忽  
將今涉年日往今哀深歲暮今思繁

秋宵漏永不能成寢乃思歲月難留容  
顏易老撫枕徬徨攬衣對月而成秋  
夕哀之語不堪嗷吟令人悽楚

清秋兮漏永興憤兮悲傷不寐兮披褐徐步兮  
山房聞寒螿之亂鳴聽塞鴈之哀翔凭長廊之



雕檻覩遙漢之月光風淅淅今憂竹砌皚皚今  
鋪霜寒暑今屢變時序今迭遷蕭颯今長夜倏  
忽今殘年感慨今景暮思集今事繁

周履靖次韻

### 悲秋賦

周履靖

清飈淅淅而吹蓬鬢輕寒剪剪而襲敝裘悶懷  
而生短日清晝而上層樓凭闌有恨而縈懷抱  
搔首無言而看雲浮時事集而未遣歲月迅而  
難留林木蕭條而增近戚江山迢遞而惜遠遊

群芳藹藹一番而盡孤鴈嘹嘹數聲而悠老去  
傷情而慨秋來撫景而愁楓葉舞而添愴寒蛩  
響而倍憂敗荷零亂於沼衰柳凋疎於丘砧杵  
而敲斷三更月林蟬而噪徹一天秋却憐少婦  
啼痕粉頰那惜征人馳驅白頭尺素修成候鴻  
而附冬衣整頓寄誰而投

### 冬賦

周履靖

感茲陽月慨值窮陰地氣而下降天氣而上昇



見海補遺 卷之二  
郊甸而飛密雪溪澗而凝堅冰橙橘垂枝而如  
彈稻梁遍野而若茵疎梅帶雪而白喬松經霜  
而青水仙而舒玉蕊山茶而泛金莖枝藜堪適  
鹿麋可親松醪酌而風可辟獸炭燃而寒不侵  
帥習射今而角力司聽獄今而論刑槐檀之木  
而取火燧墮之竈而壽人斗杓建亥而位日馭  
北陸而行孟宗泣竹而笋迸長盛哭澤而董生  
薤氏焚陌而去草顏裴課民而輸薪詢三春之

凶吉獻群臣之夢禎月窮而周天數歲暮而時  
既昏披綠簑而漁別浦策蹇驢而度孤村黃香  
家貧而無袴王祥卧冰而有鱗學紫勤而三餘  
足農事畢而五穀登蓄旨而禦冷管窟而藏於  
蘆灰閉而黃鐘應寶鼎獲而天紀靈麋鹿解角  
於野蘭根湧泉於津節候交讓君道方長融風  
布序亞歲迎祥惠文皇而日長至秦始皇而更  
嘉平應時而土牛出逐疫而楚鼓鳴載著禮曰



萬物索饗徐爰家儀小歲賀稱勞農而享臘交  
故而接新述玄英運行之始未明冬帝代謝之  
除乘

冬夜賦

周履靖

月盈虛牖雪滿空庭竹爐泉沸梅榦影橫盃中  
冰結瓦上霜凝鴛幃乍冷獸炭方熒倦鵲繞枝  
而翻凍翼飛鴻啞漢而度哀音小鼎撥灰而焚  
片麝短檠課子而讀殘經茅屋而風生野樵樓

而漏促更寫詩而過夜半擁衾而待天明鐘聞  
朱戶而人將覺夢入黃梁而酒欲醒聽寒聲而  
風生紙牖分春色而梅插花瓶

寒夜賦

梁裴子野

何四序之平分處脩冬而多慮眷搖落兮遵盡  
悲荏苒其云除日晷晷而易潛夜悠長而難曙  
既而庭流皓月階被凝霜風吹衣而凜凜氣空  
積而蒼蒼龔重裘兮弗燠熾朱火兮無光門蕭



東海補遺 卷之二  
條兮晝闕巷寂寞兮無人疏三逕以負汲結二  
耦而爲賓

景慘慄而多思風凜冽而生慮序嚴冬兮長漏  
哀木葉兮盡除日遑遑而易沉夜悠悠而未曙  
况乃窓涵皎月庭遍清霜銀缸燄而黯黯湘簾  
影而蒼蒼擁敝裘兮仍冷望疎櫺兮微光凍凝  
堦兮難步寒侵袂兮愁人燃獸炭兮爲主沽蟻  
酒兮爲賓

周履靖次韻

### 大寒賦

晉傅玄

五行倏而竟驚兮四節紛紛而電逝諒暑往而  
寒來十二月而成歲日月會於折木兮重陰妻  
而增肅彩虹藏於虛廓兮鱗介潛而長伏若乃  
天地凜冽庶極氣否嚴霜夜結悲風晝起飛雪  
山積蕭條萬里百川咽而不流兮冰凍合於四  
海扶木憔悴於湯谷若華零落於濛汜  
節序倏而代遷兮時光迅速而水逝值寒威之



賦海補遺 卷之二  
凜凜嘆蕭條而卒歲花爛熳于春融今草冬枯  
而氣肅獸空山而遁藏今魚深淵而潛伏若乃  
乾坤氣閉萬物皆否玄神一臨狂飈四起雪盈  
磴徑人絕閉里寒光布於荒村今陰氣生於大  
海萬木凋零於林樾一水凝沍於濛汜

周履靖  
次韻

苦寒賦

周履靖

高祖逐北而墮指突厥掠涼而裂膚同昌設却  
寒之簾交趾進辟寒之犀於是雲橫楚塞千山

之雪風結秦淮幾尺之冰景嚴寒今日黃而黯  
村搖落兮霜白而凝林木僵而欲折江梅閉而  
弗芬魚隱衰藻兮不躍雀宿踈枝兮不鳴冷臉  
似灰兮鬱結凍髭如鐵兮蕭森繡被任重而乏  
暖錦幃慵揭而無溫衣貂裘而肌仍凜凜燃獸  
炭而骨亦稜稜貧士烏脚斷而多感羸馬鬣毛  
縮而難行

歲暮賦

載枕文

晉陸雲



顯頊御時玄冥統官淪重陽於潛戶今嚴積陰  
於司寒堅冰涸於川底今白雪隕於雲端時凜  
戾其可悲兮氣蕭索以傷心凄風愴其鳴條兮  
落葉翻而灑林獸藏丘而絕迹今鳥攀木而棲  
音山振枯於層嶺兮人懷慘於重襟

北帝時屈玄英司官朔風吼於虛牖兮冰霜凝  
而生寒雪霰飄於堦砌兮彤雲迷於簷端景蕭  
蕭而凄思兮意默默而愁心敗葉脫於古木兮

淡月掛於疎林獸尋穴而遁迹今禽歛翼而失  
音傾薄酒而禦寒兮燎松枝而舒襟

周履靖次韻

冬暖如春賦

周履靖

屬玄冬之凜冽兮似春明之融和消積雪于千  
嶂兮泮堅冰于九河柳簇兮黃金之縷梅含兮  
白玉之柯麗短日兮晃耀喧流鶯兮笙歌草萋  
迷于綠埜魚潑刺于碧波桃灼灼兮而紅醋梨  
淡淡兮而素敷於是玄帝司符銓衡失職陰陽



賦海補遺 卷之二  
不浹日晷不律將吹灰于葭管及聽蛙于郊陌  
問喘牛之失候何怠若事而受直

賦海補遺卷之二 終



